


www.BibleForChildren.org

Matiu 26



Dao 'ana
ono fa dani
sui guu na
fafangaa 'ana
Fangatasae ka liu,
sa Disas fainia toa
kwairooi nia ki daka
oli lau gwada uri Betanii,
na maefera bae sa
Disas nia tataea sa
Lasaros ai faasi maea.
Ma ni Meri ka ngali mai tii
bii waiwai moko diana nai ma
liu lana ka baita 'asia naa.



Nia lea mai
ka kistainia
naa fafo 'aena
sa Disas uri
faa'inito lana ai. Sui
ni Meri liu ka usua 'ae
sa Disas 'ana ifuna
'i tala'ana. Ma si kada nai,
na momokona waiwai
nai ka moko ka 'etengaa
guu lao luma nai.



Sui sa Diudas 'Iskariot, na waa bae 'ana akwala ma roo waa ni kwairooi baki sa Disas, ka lea naa siana waa baita ni foa ki. Ma nia ka bae na 'urii fuada, "Nau kwai falea sa Disas fuamolu." Ma kera daka ele 'asia naa suli doo nai nia saea, ma daka alangai naa uri faa lana si malefo Fuana uri si doo nai. Ma sa Diudas ka safali nani naa uri tasi kada diana fua nia ka falea sa Disas fuada.



'I seeri, na toa kwairooi ki kera
daka lea naa, ma daka bae na 'uri
bae sa Disas nia saea kau fuada.
Kera daka ade akau naa 'ana
fanga kera ki uri ka maasia naa
Fangatasae nai. Si kada kera dau
fanga 'ada 'uri nai, sa Disas 'e rao
uri beret nai 'e dau ai ka tangoa
God, sui ka niia ka falea fua
toa kwairooi nia
ki, sui ka bae
'urii, "Molu ngali
molu ka 'ani, na
noniku naa ne."



Sui nia 'e ngali na titiu waen nai
ka dau ai ka tangoa God, sui ka
falea fuada ka bae 'urii, "Kamolu
tiifau, molu kuufia. Na 'abuku
naa ne 'ana alangaia falu nee,
si 'abu ne kai igwa uri God ka
manata lukea abulo ta'aa laa
kera toaa 'oro ki sui."



Sui sa Disas ka bae 'urii fuana sa Bita, "Saemon Bita wala! 'Oe waa kwairooi. God nia faolomainia naa Saetan, fasi uri kai ili uria kai tagalongai kamolu tiifau faasi nau, ilingia waa ne nia rao 'i lao ole fuana 'egwe lana miga doo diana ki faasia na tadidoo ta'ae ki. Ka 'uri nai boroi 'ana wala Saemon, nau ku foa fuamu, fasi uri ne nao 'oe 'osi olifaiburi lau 'ana fiitooa 'oe."



"Ma 'ana kada 'oe manata oli lau mai uri nau, 'oko faangasia toaa kwairooi nau." Ma sa Bita nia luua ka 'urii, "Aofia 'ae, nau ku kwaimaakwalii sui guu 'akua uri lea lae fai 'oe 'i lao lookafo ma fuana maea lae fai 'oe!" Ma sa Disas nia luua ka 'urii, "Bita wala, nau ku faarongo 'oe, 'i tari'ina lao fa rodo nee, 'i nao 'ana karai kai angi, 'oko tofe nau olu si kada 'oko saea 'oe ulafusia nau."




Sui sa Disas ka lea fai nia
toa kwairooi nia ki uri si
kula nai da saea 'i
Getsamani, ma nia ka
bae 'urii fuada, "Molu
gooru 'amolu 'i seki maasi
nau, si kada nau ku lea kwai
foa 'aku 'i lobaa." Ma nia ka
foa ka bae 'urii, "Maa 'ae,
'oe nao tasi doo si 'afitai
fuamu. 'Idua 'amu fii laa nee
faasi nau wala, uri nao kusi liu
lau 'i laona. Sui boroi 'ana,
doo ki ka fuli 'ana suli doori
lamu. Nao lau suli doori laku."



'Uri nai, sa Diudas 'e talaia waa nai ki 'ana omee fera
'i Rom fai tai waa ni folo lae ki ne waa baita ni foa ki
ma Faarisii ki da odu kera mai, nia ka lea na
mai fai kera uri lao ububui 'ai nai.

Kera toa ne da lea mai nai,
kera dau raunga mai ma
daka kwesu daka lea na mai.
Ma tii waa ada, ka kwaea tii
waa ni rao nia waa foa ni
gwau, ma ka kwae muusia
naa na bali alinga aolo nia.
Guu sa Disas ka bae 'urii,
"Too na 'ana!" Ma nia ka
samotona alingana waa nai,
ma ka guraa naa alingana.



Sui daka daua naa sa Disas, ma daka talaia naa 'i lao
luma nia waa foa ni gwau. Ma sa Bita ka 'isi tau lau gu
'ana kau 'i buri. Ma kera 'ukunia tii era 'i
tofungana kula ni too lae
'i lao labu 'ana luma nai,
ma sa Bita ka gooru lau
guu fainia toaa ne
kera too kakalia
na ere nai.



Ma tii waa 'ana waa rao
nia waa foa ni gwau ka
nii lau guu 'i seeri. Sa
wala nai, nia wanefuta
nia waa ni rao bae sa
Bitu 'e kwae muusia kau
alingana. Sa wala nai ka bae
'urii, "Tee mone! Nau ku
suamu na mai fai sa wala loko
lao ububui 'olif bae kada bae
kera dau nia bae!" Sa Bitu ka tofe
lau guu. Ma si kada nai 'ua guu na karai
ka 'ai naa. Ma sa Bitu ka ruu na
kau 'i maa, ma ka angi baita lea
ka igigele guu, sulia liona 'e dila 'asia naa.




Ma na konia nai sui naa, kera tatae
daka talaia naa sa Disas siana sa
Baelat fuana keto lana. Ma sa
Baelat ka ledia ka bae 'urii, "'Uree
ma ni 'oe na waa 'inito kera bae
toaa Diu ki naa ne?"
Ma sa Disas Ka luua
'urii "Nia naa ne
'oe saea nai."



Sa Baelat nia dooria kai lukea
sa Disas, ma nia ka ledia lau kau
na figua nai. Sui boroi 'ana daka
dau 'ada 'ana 'ai lae 'urii, "Molu
saungia ka mae! Molu
ka foto faafia 'ana
'airarafolo!"



Lelea mai 'e dao gu 'i seeri, sa
Baelat ka fale na kau sa Disas fuana
toa ni omee nai ki uri foto lae faafi
nia 'ana 'airarafolo. 'I seeri, na toa
ni omee nai ki daka talaia na kau sa
Disas. Sa Disas ka ngalia 'airarafolo
nia ni mae lae 'i fafona ka lea naa uri
si kula nai 'i gwai lelete. Ma kera
daka 'ailia kula nai "'I Golgota" 'ana
baea toaa Diu.



Ma 'i seeri kera daka foto na
faafia sa Disas 'ana 'airarafolo.


Ma kera daka foto faafia ta roo
waa lau gu fainia,

ta waa ka nii
bali aolo ma
ta waa ka nii
bali mau li nia.

Sa Disas ka
nii 'i lalo 'ana
roo waa nai ki.



Ma na maku baita ne nia suusia na kula abu 'i lao na
Beukaua loo ka kari 'ana roo bali doo ki. Ma sa Disas
nia ka 'ai baita ka 'urii, "Maa 'ae,
nau ku falea na kau na
mangoku fuamu." Nia
'e bae 'uri nai sui guu,
ka mae naa.



Dao naa 'i saulafi, sa Diosef waa nai
fasi maefera 'i 'Arimatea, nia
ka lea mai ka dao. Sa Diosef
nia ta waa gwaungai
lau guu 'ana toaa
ne da too 'ana tii si
manatae doo uri
kwaimaakwali lae
maasia 'initoaa
God.

Nia ka lea
noniraa kau
siana sa Baelat
ka gani nia uri
nonina sa Disas,
suli fa dani nai fa
dani 'ana ade akau
lae maasia Sabat.



'Uri nai, sa Diosef ka folia tai
maku kwakwaoa ki sui ka
lafua mai nonina sa Disas
'i saegano, ka 'afua naa
'ana maku nai ki, sui
nia ngali ka alua naa
laona likwafau
baita garu
lana nai.


Sui sa Diosef ka
gelua mai reba
fau baita nai ka
bilakia naa 'ana
likwafau nai.



Fa dani 'i burina, ne fa
dani Sabat naa, na waa
baita ni foa ki, fai
Faarisii ki kera lea
daka dao sia
sa Baelat.




Ma kera daka bae 'urii fuana, "Waa
baite kani 'ae, kameli meli manata
toi si kada bae sa wala
bae mauri 'ua, doo nia
na waa ni suke bae 'ua
guu, nia bae ka 'urii,
'Burina olu fa dani,
nau kwai tatae
fasi maea!"



"Nia 'uri nai guu, kera lea daka folo
diana naa kali likwafau nai uri ka
lau. Kera daka alua naa
tii si mamalafooa ni lio
lae uria lea ta waa ka
'idua, 'ana sabi 'ana
likwafau nai. Ma
kera daka alua waa
ni folo lae ki daka
folo lau




guu kalia."



'I burina naa fa dani Sabat,
'i 'uubongi maakafukafua 'afa
sato totoonao 'ana wiiki,
ni Meri ai bae fasi
Magdala, ma ta Meri
ai bae lau guu,
keerua daru ka lea
naa uri maatoi lae
likwafau bae.

'I seeri tii
anuanu nai ka 'igi
baita 'asia naa,
suli tii 'ensel God
nia koso mai
fasi 'i salo.




Ma nia ka lea kau ka 'idua naa reba
fau bae fasi maana likwafau bae
ma ka gooru 'ana 'i fafona.

Na waa baki ni folo lae,
kera da suana daka
mau 'asia naa 'ani
nia daka lelebe
daka mala naa
waa mae ki.



Na 'ensel nai ka bae 'urii fua roo ai
baki, "Nao muru si mau lau. Nau
ku saitomana kamuru muru
nanisia sa Disas waa bae
kera da foto faafi nia
'ana 'airarafolo ne.
Nia nao si nii naa 'i
seki. Nia 'e tatae
naa fasi maea,
doo bae

nia saea 'ua gu fuamolu.
Muru lea mai muru suana
kula bae nia tio ai."



'Uri nai guu, roo ai nai ki daru ka oli 'ali
'ali na mai fasi likwafau nai. Keerua
daru ka mau 'asia naa ma sui boroi
'ana, keerua daru ka ele 'asia naa
lau guu. Keerua daru ka lae 'ali'
ali naa uri faarongo lana toa
kwairooi nai ki sa Disas.



Keerua daru tona lau gwadarua, sa
Disas 'e dao todaru ka bae na kau
'urii fuadaru, "Sato diana kau roo
ai!" Ma keerua daru tola mai
suli nia daru ka ngiria na
'aena ki ma daru ka faabaita
nia naa.





Sui, 'i burina lau guu, sa Disas ka dao faatai mai siana
akwala ma tii waa sarenga kwairooi nia ki, kada kera
fanga 'ada. Ma nia ka ngatafi kera faafia abu
faamamane laa kera nai, nia ilia ma manata lada ka
sadi, ma ka nao dasi faamamanea bae lana toaa baki
da suana mai burina nia tatae naa faasia maea.
Si kada sa Disas na Aofia nia bae fai kera lelea ka
sui nia raa ka lea naa uri fera 'i salo, ma ka gooru
naa 'i bali aolo nia God 'ana 'initoaa.



God nia liosau 'asia naa 'ana wane
laona fera ne 'i saegano, nia ka falea
mai tii fa 'Alakwa 'autania nia uri tii
gwana ne manata mamana 'ani nia,
nia ka nao si funu. Nia 'e too
naa 'ana mauria firi.



Rom 3:23 Suli wane ki sui guu da abulo ta'aa ma daka oli kukuru faasia 'initoaa God. Suli na abulo ta'aa lae naa ne kai falea mae. Aia ma na fale tatakwai laa nia God fuakolu lau 'ana ne na mauria firi 'i nunufana Aofia kolu sa Disas Kraes.

Rom 6:23 Suli na abulo ta'aa lae naa ne kai falea mae. Aia ma na fale tatakwai laa nia God fuakolu lau 'ana ne na mauria firi 'i nunufana Aofia kolu sa Disas Kraes.

Hibrus 9:27 Aia, toaa lao molaagali nee, da mae 'ana tii si kada guu, sui burina God ka keto kera naa.



'Efesas 2:8,9 Suli ne God nia ade diana tasa fuamolu, nia ka faamauri kamolu si kada kamolu molu manata mamana 'ani nia. Nao lau nunufana tasi raoa ne molu ilia 'i tala'amolu. Na mauria falu nai, na fale tatakwai laa nia God lau gwana fuamolu. Nia ne adea 'afitai ta waa ka bae naunau lau sulia mauria falu nee, suli God nao si falea lau mai uri maana tasi raoa ne kolu ilia.

Rom 10:9,10 Lea 'oe 'o bae folaa 'i maana toae ki sulia sa Disas nia Aofia 'oe naa, ma 'oko manata mamana naa ne God 'e tatae nia faasia maea, God kai faamauri 'oe. Suli na wane ne nia manata mamana 'ana sa Disas laona mauria nia, nia ne wane 'o'olo 'i maana God. Ma na wane ne nia bae folaa 'i maana toae ki sulia sa Disas na Aofia, na wane nai ne God kai faamauri nia.



Dion 3:16,17 God nia liosau 'asia naa 'ana wane laona
fera ne 'i saegano, nia ka falea mai tii fa 'Alakwa
'autania nia uri tii gwana ne manata mamana 'ani nia, nia
ka nao si funu. Nia 'e too naa 'ana mauria firi.
God, nia nao si falea mai 'Alakwa nia uri laona fera ne 'i
saegano uri kwae lana wane laona fera ne 'i saegano. God
nia fale nia lau 'ana mai uri ka faamauri kera.

1 Dion 5:11-13 Aia, si baea mamana nee sulia 'Alakwa God
nia 'urii: God nia falea sui naa mauri firi fuakolu, ma na
mauria firi nai 'e lea mai faasia 'Alakwa God. Tii ne nia
too 'ana 'Alakwa God, nia too 'ana maurie firi. Ma tii ne
nia nao si too 'ana 'Alakwa God, nia nao si too 'ana
mauria firi. Nau ku kedaa kau doo nai ki fuamolu toaa ne
molu manata mamana 'ana 'Alakwa God, uri molu ka
saitomana ne molu too naa 'ana mauria firi.



Matiu 26-28; Luk 22-24; Dion 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Baeggu Bible (bvd) © 2016, Wycliffe Bible Translators,
Inc. All rights reserved.

<https://live.bible.is/bible/BVDWBT/MAT/1>

©2026 Bible for Children, Inc.

www.M1914.org

www.bibleforchildren.org

